

第一百三十一冊

卷二百五十

列女傳十二

新纂雲南通志

盧漢題

簽



新嘉坡南通志

卷之十

藝文志

新

嘉


坡

南

通

志

卷之十



文



通

新纂雲南通志卷二百五十

列女傳十二

曲靖府二

清二

拔貢陽本義妻李氏南寧人道光十二年夫卒氏慟不欲生視殯殮安厝畢即飲酖死邑令陳旌額曰香可剪金

荀森妻唐氏南寧人年二十三夫疾篤刲股以進竟不起氏堅守克孝姑病復刲股進遂瘥家貧勤女紅以課子讀二子均遊庠旋俱亡撫二孫亦均遊庠長子先逝更撫曾孫遊庠食餼年七十三卒光緒八年奉旨旌表

劉起旺妻魚氏南寧人年二十九夫故氏苦守撫次子光宇遊庠食

龔鄉飲介賓年九十餘卒光緒七年奉旨旌表

郎耀辰妻孫氏南寧人年二十七夫故氏苦守紡績孝姑撫孤遊泮年七十有六卒光緒十五年奉旨旌表

唐綬妻竇氏南寧人道光二十二年綬以軍功把總出師永昌病故氏聞訃勺飲不入自縊死年二十九光緒八年奉旨旌表

徐慶春妻葉氏南寧人年二十二夫卒營葬畢遽欲捐生家人羅守佯示從容守稍懈即仰藥死邑紳題額曰義重泰山

鄭懷仁妻許氏南寧人咸豐十一年夫爲賊掠氏即投水死

張宜昌妻吳氏南寧人年二十六夫與賊戰歿氏即服毒死

吳太昌妻鄧氏南寧人年二十七夫卒夫兄屢逼嫁氏不從會有南城人齊開祥賄媒來聘夫兄利其貲知氏志不可顯奪乃給以他出

昇至齊門氏識其奸謀乃更無言至夜防稍疏即投繯死鳴官開祥
遠颺治夫兄如法後請於朝奉旨旌表

庠生陳策廷妻路氏南寧人年三十夫卒事翁姑孝訓次子有泰庚
午領鄉薦年八十卒學院楊旌額曰勁節貞心

何履清妻李氏南寧人年二十二夫歿守節四十年而卒

庠生喻元善繼室張氏南寧人年二十二夫故氏持志撫前子成立

守節四十五年光緒九年旌

加福妻李氏南寧人年二十三夫故家貧氏苦守撫子爾壽游泮同

治間學院汪旌額曰清標彤管

丁發甲妻許氏南寧人年二十咸豐元年夫出師柳州陣亡翁姑早

逝遺半歲孤子氏苦守撫成立守節三十二年

鄧紹烈妻陳氏南寧人年二十八夫故遺一幼子氏一志守撫時值兵燹有鍊目欲劫之氏投河族鄰救免氏斷髮毀容誓死不二撫子成立守節四十三年卒年七十五

楊鍾靈妻郎氏南寧人年二十夫卒矢志靡他守節五十餘年

王有常妻徐氏南寧人年二十九夫故氏篤志苦守撫子成立守節五十年

庠生喻嘉績妻馮氏南寧人年二十二夫故翁姑老邁子女冲幼篤志苦守孝慈兼盡守節四十餘年

楊茂惠妻王氏南寧人年二十六夫故親老子幼氏苦守克孝克慈人無間言卒年九十餘

張愷妻陳氏南寧人年二十一夫故矢志苦守鍼術營生撫子成立

守節四十年

鄭天順妻葉氏南寧人于歸七年生子甫五月夫故氏苦守撫孤成立年六十五奉旨旌表

副將張有福繼室熊氏南寧人年三十夫出師越南陣亡氏守志撫子師聖入泮現年八十
選拔鄧培妻曹氏南寧人年二十九無出夫北上朝考卒于京氏矢志靡他以姪承祧守節三十一年

魏士宏妻王氏南寧人年二十七夫故氏安貧苦守撫孤成立卒年七十八

李玉妻巴氏南寧人年二十七夫故無子氏一志苦守家貧紡績營生年逾花甲已邀旌典額曰玉潔冰清卒年八十二

庠生李佩之妻鄧氏南寧人年二十七夫氏勤儉苦守撫子嘉瑞游泮守節五十五年卒年七十七奉旨旌表

尹秀妻顧氏南寧人年二十六夫故氏苦守撫子至四十八子與媳俱亡又撫孫光前成立戡亂從軍投岑毓英部下事聞毓英賜額曰惟貞故壽咨部奉旨旌表守節六十三卒年八十九

顧天富妻牛氏南寧人年二十三夫卒氏立志撫孤同治六年學院梁旌額曰節勵冰清光緒十六年奉旨旌表守節六十二卒年八十五

周文誥妻牛氏南寧人年二十六夫故氏苦守撫孤成立光緒元年學院李旌額曰古瑟冰絲守節五十七年卒年八十三
金安瀾妻李氏南寧人年三十夫故氏苦守撫二子作霖作貢游泮

光緒十一年奉旨旌表七十三卒守節四十三年

孫念曾妻荀氏南寧人同治甲戌念曾成進士候銓江蘇知縣光緒庚寅卒於金陵氏年二十三守節五十年卒年七十三

選拔董晉廉妻楊氏南寧人年二十四夫故無出氏矢志靡他紡績度日

錢相廷妻張氏南寧人年二十九夫故遺子三氏苦守撫子成立守節五十四年卒年八十三光緒十四年奉旨旌表

統領李廷標妻丁氏南寧人年二十三夫出師館驛陣亡遺子二氏孤守慈訓長國治任廣東潮循道尹次國選任縣議長年六十七終守節四十四年

劉烈女南寧人幼字文生張慶章慶章病故女聞訃閉戶自縊其母

救而得免至夜投井死時年十五郡守賈題額曰井瀾彰烈

王烈女秀南寧人幼嫻閨訓未字人值兵燹賊窺女艷聲言劫搶女聞之自縊死

田烈女南寧人田有志長女年十四未字因避亂遇賊懼不免即投水死

何烈女南寧人幼字周秉儀未婚秉儀卒計至女歎曰女子之義從一而終遂投繯死

王烈女南寧人幼字張長興長興遠出日久不知所之值亂賊驟至女出避賊見而追之將及女投河死時年二十八

田春鳳南寧人年十五未字因兵亂被賊所掠女給賊他顧即投河死

顧烈女南寧人幼字李姓子夫卒女聞之即飲藥死

劉玉秀南寧人字錢姓及笄將于歸匪徒艷之聚衆搶奪入門傷其母陳氏女聞即自樓窗墜下折右股匍匐赴水死

雷秀英南寧人字張錦標年十七未嬪錦標被商侶謀殺秀英聞訃泣稟父母過門守節替死雪冤家貧甚紡織養姑郡守陳彝月給銀米知縣李應章捐俸置田二畝邑人楊祖德贈田二畝以資養贍學院梁給額曰節矢冰清光緒十一年奉旨旌表卒年七十六

方貞女南寧人方明女幼字盧建國年十六建國病故訃聞女奔哭奠父母勸令歸女曰已入盧門生死以之父母知志不可奪遂聽之觀察賈鐸知府周範旌額曰松操竹節知縣李應章給田二畝

田貞女南寧人田有志季女年十七未字咸豐壬戌匪犯境女懼汚

投河沒

何玉專南寧人何永清次女字周姓子年十七聞夫卒女即服毒身亡道光十七年提學李額以烈女可風

徐裁縫妻文氏南寧人夫病篤謂氏曰我死汝無子汝不可守不應徐死氏殉

戴清妻朱氏南寧人夫故氏殉光緒丁酉總督岑毓英賜額曰義不獨生

武生張鴻勛女南寧人字姜炳甲未娶姜病故女聞訃即殉時年十四

徐某妻葉氏嫁未逾年夫故氏殉

陳家寶妻張氏南寧人夫出師貴州陣亡同伍囊骨歸氏瀝血驗之

果然刻木納骨以葬事畢氏殉

方晴妻楊氏南寧人夫故氏欲殉內戚知有遺腹力勸止之俟誕子未彌月而天氏慟哭墓所歸即仰藥殉咸豐五年縣令周旌額曰巾幗完人

劉素蘭南寧人幼字劉運興未嬪運興病故女年十七聞耗即投水飲酖均爲家人力救女泣曰既不獲死宜過門孝事孀姑姑生吾生姑死吾死可耳父母知志不可奪許之及過門後事姑克孝姑年七十有六病歿氏視殮葬畢即飲酖以殉時年四十三
孫柏妻丁氏南寧人柏幼患足疾飲食藥餌氏竭力侍奉十餘年無倦容柏卒殮葬如禮慟毀欲絕親族屢勸强容以應防範偶懈氏飲藥死時年二十七光緒六年旌

張純妻葉氏南寧人年三十純卒氏思煢煢孤弱何以爲生營葬甫畢即飲藥死

趙元妻黃氏南寧人舅姑早喪夫卒年二十夫兄勸令改適氏不從家有僕甚黠慧又商之夫兄欲贅之期前一日始告其故氏聞其言是夜飲藥卒

路紹昌妻倪氏南寧人年二十夫故氏即欲殉家人防守甚嚴延至次年竟自刎

方瓊妻楊氏南寧人年二十餘瓊卒氏營葬畢即飲藥死邑令毛贈額曰節義可風

庠生楊廷上妻毛氏南寧人年二十七廷上病故氏痛絕者再營葬畢即飲藥死邑紳贈義凜秋霜額

鄭懷仁妻許氏南寧人咸豐十一年爲賊所掠氏急投水死

任君安妻何氏南寧人年二十四夫故營葬畢即自縊死

張宜昌妻吳氏南寧人年二十六夫出征戰歿氏聞之服毒死

解履恆妻陳氏南寧人年二十夫卒屢自縊俱救免貞堅金石夙夜
絳鍼自給雖至凍餒終無怨戚如是者十數年忽有本族無賴徒逼
以再醮氏聞急投水戚黨速救未絕轉服毒卒

許元齡妻張氏南寧人年二十七夫亡氏以身殉光緒二十七年奉
旨旌表

倪登科妻路氏南寧人年二十夫故即欲殉家人防守嚴次年竟自
縊

烈婦彭張氏南寧人幼適彭世誠世誠任廣東華平縣區長粵亂夫

亡氏聞耗號泣七晝夜投瀟湘江死

張居廣妻范氏 張秉乾妻李氏俱南寧人遇賊投水死

庠生董家學妻朱氏南寧人夫卒年二十四含殮畢即仰藥死郡守

周給額曰節烈可風

以上採訪

王陳氏霑益人王尙義妻德性柔嘉孝翁姑和妯娌處族黨和霽教子孫勤耕讀務本業力戒浮華現年一百零二歲

黃宋氏霑益人庠生黃純妻年十九歸純純幕遊滬上卒氏年二十八長子鳳鳴方六歲次鶴鳴甫四歲家貧姑老子幼氏懷冰霜勤鍼綉撫二子俱成名宣統二年奉旨旌表卒年七十二

高王氏霑益人家貧夫痼門衰祚薄事翁姑待叔姊均相得年二十七孀居遞年歲大歉族中諸親相繼歿氏躬爲喪葬並撫四月遺孤

及二穉女諸猶子各有成卒年七十

楊張氏霑益人夫歿時氏年二十三善事翁姑撫子生春備歷艱苦甫見孫國楨而生春又死氏又撫孫成名卒年八十

劉毓濬妻郭氏霑益人年二十八夫故氏苦守四十六年卒年七十

二

陳文炳妻胡氏霑益人夫歿時氏年二十六矢志守節備歷艱辛撫子成立孀居四十四年光緒三十三年旌表卒年七十

增生殷立邦妻孫氏霑益人年二十九夫故孀居三十六年每見窮

厄無告者輒感而泣下必厚給之其苦節懿行鄉黨稱之

陶高氏霑益人陶瑞龍妻夫病故仰毒以殉省府題節烈重昭額旌

之